

議討之

已未免徐州沛縣蕭縣宿遷五河虹縣災租

壬戌代府樂昌王聰涓薨

癸亥大亨于玄極寶殿配 獻皇帝

免承天襄陽災傷田租

甲子前巡撫山西右副都御史孫繼魯卒于獄雲南右衛人

弘治癸未進人性耿介慷慨有大節嘗守衛輝忤權勢被逮

民卧輒死數人調淮安卻羨金又調黎平清白益著遷湖廣

提學副使歷晉撫以爭翁萬達擢邊之議下獄計聞晉數百

人哭于京隆慶初贈兵部左侍郎謚清敏仍賜祭錄後

丁卯水災折曹縣城武金鄉馬價三年魚臺單縣二年

河南撫按官請發帑補宗祿戶部謂非例以保定歲辦及開

納銀抵之


下戶部尚書王呆巡倉御史艾朴于詔獄收兩淮鹽課銀色

惡員外郎余善繼筦庫為禮科給事中馬錫所劾 上怒果

等拷訊戶科給事中厲汝進查秉彛徐養正劉起宗劉祿謂

罪由署監運副使張祿賄進太常少卿嚴世蕃順天府丞胡

奎摠督尚書王暉皆受請宜治嚴嵩疏辨謂言官汚臣借及



臣子 上益怒詰汝進不早劾各廷杖六十汝進八十譴汝
進亦佐典史秉彛定邊典史養正通海典史起宗荔浦典史
祿荔波典史呆朴戍邊王疇張祿削籍時嵩怙寵子世蕃干
請亡忌王呆素謹厚竟委罪至于榜戍大臣喪體雖刑部尚
書聞淵不能救正有波靡耳呆竟戍卒公論寃之
己巳南戶部尚書夏邦謨為戶部尚書屠儵為左都御史河
南左布政使張綱為右副都御史巡撫河南
乙亥仍武舉詔七十人
丙子南京右副都御史韓邦奇為南京兵部尚書太常寺卿

歐陽德為禮部右侍郎

丁丑前工部左侍郎吳大田卒 人貢士興府伴讀從寵

起家

閏九月壬午吏部左侍郎劉儲秀為戶部尚書督理西苑農事

丁酉玄殿良鄉橋俱成

復山東兗州筦河同知

丙戌江淮總兵官周于德劾免


丁亥增築甘肅嘉峪關外墩臺

戊子總督漕運兼巡撫鳳陽喻茂堅為刑部尚書戶部左侍

國權

嘉靖二十六年

十一



郎潘潢改吏部左侍郎

辛卯逮貴州巡撫王學益以會湖廣征銅仁鎮草苗叛兵不至被劾叅將楊欽道辰州為賊縛湖廣巡撫姜儀委學益失期不至四川巡按御史袁鳳鳴劾學益

丁酉兵部左侍郎趙廷瑞為南京戶部尚書戶部右侍郎及官為左侍郎工部右侍郎韓士英改戶部右侍郎

右春坊右中允署司業周文燭為祭酒

庚子陝西按察副使聶豹先守平陽值虜寇括民財佐費罰重囚被劾下錦衣獄

辛丑總理糧儲兼巡撫應天右副都御史歐陽必進為兵部右侍郎總理漕運兼巡撫鳳陽


湖廣右布政使李義壯為右僉都御史巡撫貴州

甲辰沐融嗣黔國公朝輔子年四歲朝弼為都督僉事佩印總兵代鎮雲南融予半祿優給

乙巳罷巡撫雲南應大猷吏科給事中鄭大同劾其子屬吏舉而不劾并吏部曲護考功郎中雷禮謫大名通判

丙午免成都田租仍加賑

前太僕寺卿毛渠卒山東掖縣人嘉靖丙戌進士年五十一



諭葬

十月庚戌禮部左侍郎張電卒江南上海人善書直史館予祭
葬贈工部尚書

辛亥提督兩廣兵部右侍郎張岳為左侍郎還朝廣東左布

政使周延為右副都御史總理糧儲巡撫應天

甲寅免直隸昌平霸縣良鄉房山大城寶坻昌黎災租

丙辰南京太僕寺卿嚴時泰為右副都御史巡撫四川

增定斬級賞五十金通行九塞

逮山東巡撫右副都御史何鰲以單縣妖寇勞師遺餉妄引

例開俸見劾降福建布政使右叅議

己未湖廣道御史陳其學劾錦衣衛都督同知陸炳逐客騷

擾私鹽請託宜罪炳引服不問炳急時賂夏言長跪而解于

是比于嚴嵩思中言言不悟


壬戌提督漕運兵部右侍郎歐陽必進改提督兩廣軍務兼

巡撫廣東太常寺卿徐可成為禮部右侍郎仍舊任

甘肅巡按御史兼理學政

遼東巡撫於教提兵官張鳳有罪免廣寧指揮李鉞及中軍

都指揮陳守節詔殺貢夷把、亥等七人致入寇大殺掠鉞



守節伏誅餘謫降

逮四川都指揮丁勇以戎縣都掌蠻叛故

癸亥免山東濟南東昌兗州災租

慶府豐林王台瀚薨

戊辰役順天永平通州軍民濬海口新河

十一月壬午夜宮中火詔釋御史楊爵獄爵長繫七年至是建

醮高玄殿火時上悅聞呼楊爵及工部員外郎劉魁吏科

給事中周怡名次日皆釋為編氓

癸未琉球入貢

圓明閣陽雷軒成

壬辰戶部右侍郎韓士英為左侍郎總督漕運兼右副都御

史巡撫鳳陽光祿寺卿彭黯為右僉都御史巡撫山東

癸巳少師嚴嵩滿九年考兼華蓋殿大學士

編修李璣為左春坊左中允署司業南吏部郎中鄭曉為南

尚寶司卿

佛郎機夷人掠漳州海道副使柯喬禦之遁去命逮把總指


揮丁桐及前按察副使姚翔鳳蓋受貨縱之入境

乙未 皇后氏方崩 上痛其拯難喪禮如元后

國權

嘉靖二十六年

十五



定各總督都御史清軍巡鹽御史糾劾即按覈不候專差等

撫按

立敬一亭于南京翰林院

丁酉日本國王源義請遣使周良等以六百人泊海港待貢

明年上以先期下巡撫未紈議

丁未總督陝西侍郎曾銑上邊務十八事曰恢復河套曰脩

築邊垣曰選擇將才曰選練將士曰補實馬羸曰進兵機宜

曰轉運糧餉曰申明賞罰曰兼備舟車曰多備火器曰招降

用間曰審勢度時曰防守河套曰營田儲備曰脩職守曰息

訛言曰寬文法曰處孳畜下廷議令上方略銑進營陣圖曰

立營摠圖遇虜駐戰圖選鋒車戰圖駐兵逐戰圖步兵轉戰

圖行營進攻圖變營長驅圖獲功收兵圖 上嘉然之

十二月己酉大理左少卿方鈺為太僕卿

辛亥初琉琉貢使陳賦同蔡廷會至先閩人葉璟永樂中遣

琉琉世任楫產故在閩以給事中黃宗槩舊戚至則通餽事

聞奪廷會賞


山西總兵官王繼祖移甘肅

壬子周道襲翰林五經博士 繡麟子

國權

嘉靖二十六年

十六



甲寅安南都統司同知鄧文值阮如桂等遣使告去年五月
莫福海卒子宏翼五歲頭目阮敬作亂文值等不能制立登
庸次子正中據海陽海東正中復敗與族中人莫文明等走
欽州食給糧恤養

設遷曰莫登庸盜有安南身沒未几弱子單孫之不保故
知立國不以道即尉佗亡幸也

丙辰署都督僉事 總兵鎮守延綏

丁巳蜀王讓栩薨謚成王

辛酉甘肅總兵咸寧侯仇鸞貪虐為曾銑再劾逮下錦衣獄


辛亥大理寺卿李士翔南京太常寺卿王宗 為戶工部右
侍郎

戊辰謚 大行皇后孝烈

辛未大風霾占主邊警

甲戌封懷捲秦王宇林唐世子定耀岷世子定光綏寧王載
堉昌樂王謨瑞安平王載塾惠安王勤爨遂平王勤焄堵陽
王顯楛江夏王

乙亥刑部左侍郎劉訪為南京右都御史右僉都御史朱廷
立為大理寺卿



海寇犯浙江寧波台州逮分守布政司叅議鄭世威按察副
使沈瀚都指揮梁鳳
丁丑御史饒天民張登高各上復套議下所司
摠督陝西曾銑率師數萬除夕襲套虜適餉不繼未即進虜
聞之傳矢擁衆犯邊
雲南永昌祐柯夷作亂兵備副使韓廷偉撫定之

國權

監官設邊孺木著

嘉靖二十七年戊申


正月己卯因陝西移風災諭廷臣脩舉實政

癸未兵部尚書王以旂條復套事調山東河南良家子神機
營火器求聖裁 上諭輔臣師出果有名否兵果有餘力食
果有餘積成功可必一銑何足言祇恐百姓徒受亡辜之慘
耳夏言懼不敢決請 上裁仍下諭廷議嚴嵩窺 上指奏
虜不易勝河套必不可復師既無名費復不淺廷臣無不知

國權

嘉靖二十七年

一



其謬第有所畏耳因引咎乞罷有旨言私薦曾銑任事之忠
不顧國家安危黎民生死惟徇銑饒欲耳不許嚴嵩辭夏言
懼上疏謝罪云嚴嵩素無異議今先臣具奏意諉臣自解耳
上不悅責言專徇私強君脅衆令吏禮部都察院議其罪嵩
遂力詆言之擅權謂九机事大小毫髮不復關同言亦力辨
上不聽王以旂等會議上遂罷復套命緹校逮曾銑科道官
俱視廷杖奪俸四月兵部尚書王以旂兼右都御史總督
三邊軍務

乙巳前南京禮部右侍郎趙永卒

丙午咸寧侯仇鸞訐曾銑子淳掩敗因蘇網賂夏言飾罪復
套蓋嚴嵩欲深言罪代鸞草奏命代淳等遣給事中申价錦
衣衛李千戶李永核邊
徐學謨曰時督撫按臣各起攻鸞疑無死地矣乃天道
助逆曾銑之禍遂不旋踵所謂人而不仁疾之已甚亂也
獸窮則攫窮兇之變革可易視之乎


虜倭只郎中寇長寧等堡遼陽搃兵戴庶斬百七十八級尋
突入鎮靜堡犯廣寧官軍失利

二月戊申慶世子壽櫓薨

國權

嘉靖二十七年

二



吏科都給事中齊譽等言曾銑贖貨誤國 上責其不早言

謫譽 餘宥之

庚戌懷遠侯常玄振卒

癸丑定 孝烈皇后陵曰永陵

甲寅起楊行中右僉都御史

吳繼爵嗣恭順侯 世興之子

南京兵部尚書張潤改戶部尚書總督倉場總理西苑農事

戊午廣東連山縣徭寇作亂奉命討之

三月丙子朔蘇松兵備無理糧儲

內使馬廣以錦衣衛百戶馬天澤酌酒併罪戍孝陵

丁丑起李珣右僉都御史巡撫遼東

京師大風霾

庚辰祈年于雷霆洪應殿

甲申堵築薊鎮各關隘

乙酉總督宣大侍郎翁萬達脩邊城上圖乞專重大同

庚寅曉月食已刻大雨雹


巡撫湖廣姜儀以征麻陽縣苗未克降廣東布政使左叅議

辛卯作克敵弩錦衣衛軍匠馮經獻雙矢三矢弩

國權

嘉靖二十七年

三




癸巳錦衣衛都督同知陸炳獻曾銑其如仇鸞指遂成蘇網
逮夏言坐銑交結近侍官負律殺銑西市妻子流三千里銑
字子重江南江都人嘉靖己丑進士果銳有機略初御史平
遠之叛卒用是著敢任勞怨其死不當罪天下聞而冤之蓋
嚴嵩借銑陷夏言而仇鸞厚賄嵩及都督陸炳構其獄自後
以套事為諱

錢琦曰曾中丞欲復河套雖過于擔當要之可於不可廢
可獎不可殺臺省無一人敢言何也秦殺二十九人猶有
茅焦不意當代謹言如此

設邊曰虜據套近塞下不驅之邊患不休曾中丞抵掌籌
兵三年迭進即間有失得度狂傲可大沮也非常之原黎
民懼焉恬熙日久而驟講出塞之略所不心悸口吐者凡
人雖無仇鸞嚴嵩以構之終有陰阱矧衅伏朝端其能免
乎中丞家無餘貲臨刑嘆曰袁公本為百年計晁錯翻罹
七國寬中丞之自哀勝于秦人之歌黃鳥也

甲午鄭廷鵠梅守德唐禹譚太初趙越鉞姜良翰杜汝劉體
乾萬石王鶴烏從善馬汝松為給事中劉崙陶欽臯阮鶚為
監察御史宿應參姚一元楊運徐洛朱有孚郭公道為試御



史時員缺俱京官選補

丁酉浙江左布政使林雲同為右僉都御史巡撫湖廣右僉都御史王守服闋總理河道

辛丑提督宣大侍郎翁萬達言虜中歸人祈貢市詔備之
癸卯釋咸寧侯仇鸞

四月丁未下夏言鎮撫司言至丹陽被逮知不測指道旁樹曰
白楊白楊爾能知我此去不反乎言疏辨河套罷兵諭下不
兩日仇鸞方就逮何以知上語即疏至此明係嚴嵩陷臣
上不省言聞銳所坐驚墮車曰噫吾死矣復疏辨其詞甚苦

刑部尚書喻茂堅左都御史屠儵大理卿朱廷立等據曾銑
律以請而言當議貴議能上怒切責茂堅等阿附竟論死
妻子流三千里

丁巳金星晝見
壬戌先是順天庫歲核戶科都給事中羅崇奎請三年始核
從之

提督倉場戶部尚書張潤致仕


丙寅寧夏衛地震

癸酉給巡撫浙江兼福建海道右副都御史朱紘符幟初漢

國權

嘉靖二十七年

五



人豔諸番貨私與市嘉靖十七年閩人金子老為番船主據寧波之雙嶼港後閩人李 歙人許棟繼起負金錢多不償則推豪貴聞于官逐之番大恨出沒島嶼東南之難自此始朱紉搗雙嶼盛兵集港口挑之夜風雨賊逸我用火攻破之擒二酋餘趨浯嶼副使柯喬叅將盧鏜又破之獨許棟逸紉渡海至港謀留屯眾難其險絕築塞而返歙人王直收許棟之黨巢烈港陳思昉亦聚百舫巢橫港別部王丹有舫五十思昉迎入橫港夜鳩之奪其舟部人不平潛通于直而烈港出沒必經橫港屢邀劫直伺思昉生辰方宴襲殺之由是海上寇悉受直節制

朱紉督分巡副使柯喬出海搗靈官嶼大破之擒渠帥三真夷六十漳人大恐往聚觀偶語籍、紉益排根窮治豪右惡之于朝

五月乙亥朔設永陵奉祠寺臣義勇左衛改永寧衛


丙子罷延綏總兵官韓承慶

曾銳薦用

陝西總兵官張達移延綏

辛巳前兵部尚書戴金卒湖廣漢陽人正德甲戌進士有治才巡盜採木並稱旨稍負氣不下才本兵劾去

壬午禮部上 孝烈皇后神主奉安坤寧宮儀注初故事在



奉先殿左夾室 上不可

丙戌 孝烈皇后塋永陵

壬辰增浮圖峪把總

戶部左侍郎李士翔總督倉場督理西苑農事

癸巳成勲為署都督僉事總兵官鎮守陝西

令給事中御史編審京師商戶

乙未脩天壽山感恩殿

戊戌閔汝霖補右春坊右諭德

虜犯宣府四海冶官軍失利

六月甲戌朔故少師大學士楊一清贈太保謚文襄

廢東廠太監麥福弟祥錦衣衛百戶以緝獲功刑科給事中

李萬寶言功微不足錄不聽

丙午以巡撫宣府孫錦請增邊餉戶部詰總督翁萬達及錦

歲費陳狀量發十八萬金已引各罪奪錦俸四月萬達二月

陝西流寇平

丁未右副都御史張岳總督貴州廣西軍務討叛苗龍許保


初苗久不靖至執指揮張治百戶錢用巡撫貴州李義壯請

設總督節制三省

國權

嘉靖二十七年

七



戊申日本貢使周良等六百餘人求朝貢朱紈以聞許如十八年例送五十人入京餘留寧波嘉賓館先是三月貢使在館有蜚書巡撫欲殺使者可先發殺巡撫衆洶朱紈堅臥定海鎮之頗疑推官張德喜遂以聞

徐學謨曰紈嚴明介潔遇事頗刻核匿名書付之一火而已何據而疑推官且當賄賂公行之時內無應援未有能立功名于外者况閩人滿朝豈宜過激紈之不終以此

已酉停監生告改遠方例

七月甲戌朔巡撫浙江兼福建海道提督軍務右副都御史朱

紈改為巡視御史周亮兵科給事中葉鏗各言其遙制不便

蓋豪右中之也

丙子免安徽泗州盱眙天長懷遠田租

丁丑夜月犯金星

戊寅前兵部左侍郎潘珍卒安徽婺源人弘治壬戌進士令諸暨入大理評事歷令官諫征安南忤去庶節一致累薦不起士論崇之


夜順天保定地震諭脩省

已卯旌衡府高唐王厚煥齊東王厚炳孝行

國權

嘉靖二十七年


八



庚辰大清閣成

辛巳鄭王厚烷上言 皇上御製心箴註曰箴碑幽風書無
逸揭洪範篇大學衍義下詢疾苦身先農桑臣所親見何及
近年罷講有日美政亡聞使四方學士利欲紛拏莫知所從
守藩下臣願 皇上講學勤政求 祖宗之初治問百姓之
安危臣不勝拳拳効李德裕丹宸之箴倣陸機連珠之體四
箴曰居敬曰窮理曰克己曰存誠又連珠十首臣聞連城之
壁不付于拙工千里之驥必託之善御是以修身者以損德
為憂保國者以失賢為慮臣聞如砥之途人以為邪徑彌天

之語人以為上乘是以孔門之門無人而異端雜起堯舜之
世既遠而治道難興臣聞衣食足而民富禮文衰而訓靡是
以農桑必盛于風始_俗之始彝倫必明于教學之時臣聞百口
言善所以尊侈一心詢過所以希天然則諛舌易巽苦口難
便是以堯疇咨而裕受拒諫而騫臣聞水滿易溢月盈易虧
是以守謙者不挾德而悔去患者不竢禍而追臣聞竭民脂
而作亡益者世不知惜長國家而損下利者士謂非忠然則
民飢而君無獨富農足而國不能凶是以愛民則錫福于邦
趾虐下則禍起于舟中臣聞文公簡禮春秋加貶鄒衍係獄



夏月飛霜然則不誠獲戾罔察罹殃是以畏威者克謹天戒
敬祖者率由舊章臣聞商鞅尚法秦旋踵以亡仲尼行仁魯
三月而治是以萬類取足得衆尚于用寬百姓亡匱求仁先
于近譬臣聞臨春于閣陳禍以盈步虛于城宋室將燬是以
成湯寬仁不聲色是親放勳恭讓不茅茨為耻臣聞被衣寒
體充食餒腹民日惟憂耕田南畝鑿井西鄰人日惟擇然則
與以惠者欲知其樂知以利者忘其力是以熙皞而王者之
為驩虞而霸者之策 上大怒手詔曰日者勤熨謗訕朕姑
活之厚煖敢効尤彼小豎子耳爾今西伯也諸欲為為之


設遷日諫術有五諷其一焉人臣進說寧婉毋戇寧詳毋
徑况天裔篤密嫌構易生者哉勤熨激于前厚煖急于後
言出禍隨非宸聽之獨高也毋亦有失詞焉合而順之恭
王之所見粹矣

巡撫雲南吳章疾去

廣西賀縣盜倪仲亮連山縣盜李金等平官軍擊斬三千餘
人俘二百八十六人廕提督張岳錦衣百戶

壬午工部右侍郎王崇慶改禮部南祭酒李本改北

癸未增遠東義州太清等堡寧遠前屯城中右所戍兵三千



人

乙酉刑部右侍郎詹瀚為左侍郎右副都御史傅炯為刑部
右侍郎

戊午復舊制親王郡王不得服內襲封
浙江左布政使李默為太常寺卿卿署南祭酒

起顧應祥右副都御史巡撫雲南

壬戌前少傅大學士許讚卒四川靈寶人弘治丙辰進士授
大名推官拜御史避父進冢宰改編修忤瑾謫臨淄令起浙
江僉事歷刑吏部尚書直閣名家子諳習典故醇厚不伐然

柔巽少大臣節晚頗賄聞墮其家聲後其子僕求邱贈少師

謚文簡

庚子西苑產嘉穀雙穗七十五本群臣表賀

大同右衛馬氏女年十七將嫁化為男子

辛丑福建兵備副使張謙擊福寧盜敗之


八月辛亥命秉一真人禮部尚書陶仲文支伯爵俸成國公朱
希忠駙馬都尉崔元加祿百石嚴嵩食正一品俸進禮部尚
書費家保少顧可學盛端明各少太子少保萬壽節恩

命工部進礦銀

國權

嘉靖二十七年

十一



辛未譚功承嗣新寧伯

綸之子

寧夏衛地震

江西南贛山盜平

歲稔發帑金各邊積穀

壬申檢討全元立為脩撰

虜犯大同鎮邊等堡不克伏其衆以二千騎誘指揮顧相千

餘騎往伏發圈于彌陀山搃兵周尚文急出塞敗之相與指

揮周奉千戶呂凱郝京百戶利貞元戰死尚文轉戰逐北賊

伏蘆溝我力戰斬大酋一乃遁遂犯山西境乘不備連入草

水口紅門猴兒山官兵失利

九月甲戌聽歲貢生入監外留部選教官

丙子巡撫鳳陽胡松為戶部戶侍郎

己卯崇府瑞安王載堃薨謚莊惠

辛巳免淮安鳳陽揚徐災租

治曾銑黨延綏巡撫張問行削籍陝西巡撫謝蘭降級紀功

御史盛唐謫貶

逮叅將李珍延安衛署都指揮僉事田


世威寧夏衛指揮同知郭震謂減餉餽銑子淳也珍等俱戰

功起徒中為銑任用逮下詔獄極拷不承李珍論死世威震

國權

嘉靖二十七年

十三



等謫戍

徐學謨曰珍震以死殉銑亦有嬰白存孤之義雷霆之下無不摧折者當羅織時苟自為計銑子決不免矣嗚呼貞臣累至而行明悲夫

壬午虜俺荅自鎮安堡入犯翁萬達預檄搃兵官趙卿往虜遂伴攻獨石卿遣令悉兵以援虜遂踰長安嶺掠雲州赤城永寧隆慶懷來游騎至岔道八達嶺關輔震動命京營叅將王佐許策許援之

丁亥右副都御史張輝搃督漕運兼巡撫鳳陽

京師地震有聲

丁酉制勅房光祿寺卿設相秩滿請廢許之子文明錄入太學故事雜流考滿不廢

己亥江西左布政使俞智為右副都御史巡撫南贛梁尚德服闋仍右僉都御史

庚子免順天永平水災田租

夜月犯金星并角宿


辛丑賜巡視右副都御史朱紉金幣

莊浪大旱

國權

嘉靖二十七年


十三



十月癸卯殺少師大學士夏言字公瑾江西貴溪人正德丁丑
進士性警敏能屬文授行人擢兵科給事中建白稱旨援入
相雖驕蹇見忤亦多持正 上嘗諭退處西內禪太子監國
言年六十荅曰臣全數已盡萬死不敢奉詔 上遂止其後
深恨言以挫郭勛又不戴道士冠然無意殺言會蜚語謂言
怨望亦嚴嵩為之或曰嵩因災異引漢誅翟方進事 上意
遂決其事秘世莫知也年六十七妻蘇氏流廣西從子禮部
主事克承從孫尚寶司丞朝慶皆削籍天下惡勛之橫及嚴
氏故多惜夏言隆慶初復原官賜祭塋謚文愍

史臣曰言豪邁有雋才縱橫辯博初在諫垣言事受知比
贊四郊禮遂荷特眷 上性聰察不喜臣下雷同言知其
旨方張孚敬用事時無敢抵牾者言故每事與之囂競
上以為不黨因厚遇之竟至大用然才有餘而智不足憑
寵教肆威福自由 上實不能堪稍以違旨裁之言不為
懼久之 上益厭屢加叱咤不以為耻末年再入一意脩
恩怨人皆側目及嚴嵩誣構身首異處天下雖以惡嵩而
亦以言不學不知道足以自殺其軀而已

夏大綸言夏相豪邁辯博果于有為曾銳慷慨任事不避



艱險將相調和力主套議以復百年之故疆建匡攘之全
策偉哉振古之略也獨不念救援內固鷹犬外列側目伸
喙而思逞者方日夜甘心焉乃坦懷張膽自以無前謂
帝知己了無顧忌息壤固在其宗屬垣之語何嗚呼成
宣以後大將無推轂之主英雄乏借箸之籌久矣奚感乎
二公之不終也

何喬遠曰嘉靖中年以後相者夏貴溪嚴分宜兩人貴溪
始為給事赫然見才誓不奔走權貴間至今宣亦挹有
文豈不皆君子哉不保其身及同于禍患生於以主寵為

已私物也貴溪峻而漸于不遜分宜卑而淪于不忠上怒
下憤所由來矣


設遷曰貴溪才足自樹而褊矜未融慕蓋世之功志清羸
霧設曾中丞鼓行而北稍有夫利貴溪能自必其命哉貴
溪不死于敗而死于讒又嚴氏代為之受螫也刑渥之凶
株及鼎軸雖非國事之幸安知貴溪不以是道其責哉噫
古未有宰相伏歐刀于都市者將中台星折應其占與
命湖廣保靖宣慰使彭蓋臣等約束各寨苗夷

甲辰吏科右給事中馬錫託疾謫

國權

嘉靖二十七年

十五



乙巳許河南山東人入金陝西濟餉補官

壬子西苑復獲嘉禾

丙辰虜入隆慶八達嶺距天壽山七十里巡按御史王應鐘
夜赴昌平鞭戍卒之不備者劾守備石美中及提督太監王
敏俱奪官

戊午賜遼王憲燦清忠正教真人金印

免承天長沙寶慶水災田租

增潮河川總兵蘇松常鎮督糧叅政

庚申河南祀故燕山衛指揮使馬義都督僉事俊都指揮僉

事振義死土木俊死廣西古田苗振死流寇


刑科都給事中鮑道明為江西右叅政

戊辰夜雪初上禱于內壇輔臣表賀

兵部右侍郎萬鏜為左侍郎巡撫大同兵部右侍郎詹榮佐
部大理寺卿朱廷立為工部右侍郎

十一月壬子朔山東巡撫彭黠奏御史劉時進引疾不聽時進
還朝自奏代題繫禁

乙亥巡撫四川嚴時泰為南工部右侍郎起郭宗臯右僉都
御史巡撫大同



丙子議 孝烈皇后祔廟祧 仁宗不果行

庚辰提督河道右僉都御史王守為南京右副都御史廣東
左布政使李春為右副都御史巡撫四川

御史王士翹請召遺佚報寢

甲申夜大星自畢逆行過昴至于胃丙戌金星晝見旬而沒
丁亥巡撫河南右副都御史張綱卒


壬辰前南京兵部右侍郎張棟卒江浙山陰人正德辛未進
士授編脩歷今官

己亥巡撫遼東李珣調大理寺卿太僕寺卿方純為右僉都

御史總理河道

張廷槐楊允繩趙軌崔璜王德沈東方文林懋舉石鯨徐易
凌汝中為給事中申重陳效古金豪趙世奎吳和孫慎霍冀
姜廷頤王本固黃中張鑑趙錦李九功李尚智歐陽震朱本
王民陳澤為試御史懋舉鑑錦九功尚智震豪木民澤等俱
南京

十二月甲辰詔墾太原平陽澤汾荒田萬七千四百頃補宗祿
乙巳錦衣衛都督僉事袁天章為都督同知鎮撫司指揮同
知張柏齡為指揮使以緝捕功



丙午南京右副都御史劉訥為南京工部尚書應天府丞蔣應奎為右副都御史巡撫遼東

壬子御馬監太監李慶等為故司禮太監鮑忠乞恩陞從子八人補勇士營五十人兵科給事中劉體乾言其濫遂陞三人收勇士二十人

甲寅少保禮部尚書兼學士費霖卒江西鉛山人正德辛未進士授編修忤時貴去上初起官進左贊善遷南京尚寶卿歷令官贈太保謚文通

漕運總兵官署都督^{指揮}無事萬表為南京中軍都督府僉事


乙卯山東巡撫彭黠改河南命免平涼鳳翔災傷田租

令廣西向武州土官子黃仲金那地州土官子羅廷鳳泗城州土官子岑施即嗣職免其入朝俱舊從征勞

丁巳禮部尚書孫承恩還部戊午海盜流劫蘇松官軍敗之兵部左侍郎范鏗兼右僉都御史往潮河川脩築閘城


封煥承蜀王廷椅代王充鍵廣寧王載壇歸德王載烜慶元王睦枚清江王朝璋益陽王致柎湘陰王英竣永安王

前應天府丞朱隆禧為大理寺卿隆禧以大計免陶仲文往太和山謫附之託其進方書賜金幣因入謝于進上以挂




察典進秩致仕
 庚申山東左布政使駱顯為右副都御史巡撫山東
 辛酉鎮遠侯顧寰為總兵官提督漕運鎮守淮安
 丙寅罷寧夏總兵官王縉坐曾銑失虜黜職
 虜犯遼陽大殺掠
 貴州守備柳之文討銅仁叛苗賊卒至象鷲潰之文手刃數
 賊死之

國家圖書館 NATIONAL CENTRAL LIBRARY TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8
Centimetres 1 2 3 4 5 6 7 8


TIFFEN Color Control Patches
© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393418 v. 75

國家圖書館, NATIONAL CENTRAL LIBRARY, TAIWAN, R.O.C.





國權

嘉靖二十八年己酉

正月壬申朔 上不朝

黃振為署都指揮僉事總兵官鎮官寧夏

己丑前戶部左侍郎顧珀卒

辛卯定漕運河道二臣初巡按御史陳其學言前年秋冬間

推胡松搃河韓士英搃漕去春士英進南京戶部尚書松代

之不踰月進戶部左侍郎彼此視如傳舍今後宜久任而責

國權


嘉靖二十八年

一

益官設遷孺木著



國家圖書館, NATIONAL CENTRAL LIBRARY, TAIWAN, R.O.C.



成之報可

甲午禮部尚書孫承恩劾罷乙未禮部尚書盛端明致仕
套虜自西海還掠永昌鎮羗邊將拒卻之

二月壬寅增海州叅將

癸卯撫治鄖陽右副都御史于湛巡撫按湖廣御史賈大亨
互訐俱免官聽勘去秋九月既望月食當晝刻例不護救湛
悞行之被劾遂訐大亨淫婁不職


魯王觀熒薨謚端王

甲辰停江南丈田御史劉奉言其滋蠹也

乙巳發四萬金賑陝西并免臨洮鞏昌田租

丙午給事中王德沈東楊允繩請簡輔臣錄遺佚下所司

丁未宣府報警總督翁萬達請以大同總兵官周尚文代宣
府總兵官趙卿分布待戰從之時宣府總兵趙卿以隆永之
役在論未得代總督翁萬達得謀報擬卿住兵滴水崖而慮
無可援也檄大同總兵官周尚文曰若當援滴水崖尚文得
檄尚猶豫而萬達慮尚文此猾而矜幸隣變援師少延無濟
也因奏尚文得暫代卿將援可速也詔下尚文果甲而馳未
至虜已改滴水崖而卿已聞代付兵三千人于守將董暘江



瀚自歸賜瀚故驍將時營官隨卿因出禦之虜一出我前一
出我背夾攻賜瀚猶揮刃力戰殺數級而死于是虜人定復
東向懷來而尚文之兵至值于石柱村軍容甚堅虜未敢卒
犯遣間來約曰詰朝當見比曉伐樹拆屋毀門閉令步卒肩
之以禦矢石而騎隨之課且突陣舊列營必列木為柵以拒
侵軼其在尚文以柵自可見不若穴地為暗窖乃令人劊七
窖于壁外窖深及膝大容馬蹄及戰虜馬多外軍為發器擊
之凡二日陣百餘合虜死數千人大沮然恃其衆不歸也俺
荅拔刀曰不勝且刎吾首乃復攻圍南軍俱億萬達曰兵三

日戰必疲不援尚文棄師也因鼓行而前未至虜營十五里
虜拔營遁

戊申山西朔州地震

辛亥南京吏部尚書張治改禮部尚書兼文淵閣大學士國
子祭酒禮本為少詹事


壬子虜數萬騎犯宣府滴水崖把總都指揮僉事董賜指揮
使江瀚等敗沒遂東犯永寧關南大震明年七月贈賜瀚俱
都指揮同知立祠

山西營田大獲巡撫楊守謙也力詔各塞如之

國權

嘉靖二十八年

三



癸丑劉世延嗣誠意伯 劉瑜孫

乙卯大同總兵官周尚文赴宣府值虜曹家庄大戰決日西路參將姜應熊等自懷來鼓噪而東虜不測宣府總兵趙國忠分道促之遂遜

吏部左侍郎徐階為禮部尚書

巡撫保定右僉都御史李仁為右副都御史巡撫宣府

丁巳虜至永寧周尚文追及斬其後勁虜自黃家黑峪北走南京禮部尚書王學夔改南京吏部尚書順天府丞任瀛為右僉都御史撫治鄖陽右春坊右中允孫陞為祭酒

戊午禮部左侍郎歐陽德改吏部左侍郎兼翰林學士教習

庶吉士

庚申趙府汝源王厚燭薨

山東按察使高大節為右僉都御史巡撫保定

賈席為署都督僉事總兵官提督江淮巡捕

錦衣衛指揮同知鄭璽除名撫寧侯朱岳英國公張溶罷營


務定西侯蔣傳惠安伯張鏞署都督僉事孫堪各奪俸二月

先是給事中楊允繩偕岳等于武場較閱守舍訛言虜至沙

河各驚走損威重

國權 嘉靖十八年

四



壬戌禮科給事中趙鉞言故禮部尚書費家謚文通摠兵卻
永謚隱懷俱行履亡聞不宜謚請今後俱公議 上裁許之
嚴氏當國謚俱賄致然卻永久歷邊陸稱名將至與費家同
論如旁臣何

癸亥左春坊左諭德閔為霖為侍讀學士署院

推郭宗臯巡撫大同李仁巡撫宣府兵科給事中胡叔廉等
以宣府急調宗臯改仁大同報可

福建汀漳盜悉平

乙丑刑部尚書萬鏜改南京禮部尚書禮部右侍郎王宗慶

為左侍郎工部右侍郎朱廷立改禮部右侍郎

丙寅編脩康太和為侍讀

三月辛未朔日食


壬申南京工部尚書劉訥改南京刑部尚書巡撫陝西謝蘭

為工部右侍郎

丁丑巡撫江西傅鳳翔為右副都御史巡撫陝西

操江都御史周禕劾免

戊寅江西旌德祠仍左孫燧右許達初贈燧禮部尚書達副
都御史越數年贈達禮部尚書故左達至是御史馮懋卿奏



言之

己卯南京尚寶司卿鄭曉為南京太僕寺卿

壬午工部左侍郎屠楷為南京工部尚書巡撫寧夏王邦瑞為大理寺卿

叙逐虜功進總兵官周尚文太保總督翁萬達兵部尚書各賜金五十幣六萬達幣四總兵官趙國忠幣二嚴嵩廢中書舍人兵部尚書趙廷瑞進太子少保餘陞賞有差

甲申 皇太子冠 上不御殿罷傳制餘如禮

是月北郊泰折坊風壞

丙戌巡監御史劉時進濫薦至四十餘人非詔例謫

丁亥 皇太子載壺薨年十四將出閣就學故冠之驟疾北

向拜曰兒去矣端坐逝 上痛甚群臣疏慰獨荅陶仲文云


早從卿勸豈便有此云々中外不知所謂後裕王景王置外郎遂傳仲文有二龍不相見之說自此啟之也

戊子起張徹時兵部右侍郎兼右僉都御史提督操江

庚寅 上諭嚴嵩欲如 先朝身巡邊驅虜對曰今昔異時

弟督邊將禦之母煩乘輿也 上然之

山東臨清大雨雹傷麥



壬辰平涼大雨風霾晝晦如血

癸巳刑部右侍郎詹瀚劾免

乙未右副都御史楊行中為工部左侍郎

丙申冊謚 皇太子莊敬凡雨霾五日

四月辛丑徽王厚燭評御史張坪奏議李洛僉事李延康得賂

許脩邸第左布政使紀常不饜其欲改脩墳上怒坪常落

職洛延康奪俸三月

丁未崇陽王顯休有罪毆從兄死賜死

戊申諭禱雨

巡視右副都御史朱紘敗倭于詔安巡按御史楊九澤上捷

違例謫九澤

慶府弘農王治平薨

庚戌禮部右侍郎朱廷立大理右少卿閻璘干進被劾免責


吏部尚書聞淵私濫奪郎中

巡視浙江右副都御史朱紘俘海盜九十六人斬之巡按御

史陳九德劾其專殺罷紘命兵科給事中杜汝楨即訊紘窮

治豪右如


辛丑兵部尚書趙廷瑞劾罷



癸丑先是安南莫正中構兵來歸舊臣范子儀收餘卒妄言
莫宏漢天迎正中還國日流劫廉欽間事聞命督撫驅勦
丙辰經理兩閩兵部左侍郎范總為兵部尚書疏辭云衰朽
之年栖々可耻忤旨削籍
丁巳初二月虜寇宣府射書求款且還所掠人云不許貢且
復犯宣大總督翁萬達以聞 上以虜狡徒沮邊略不許然
我前殺其使故但射書又累入得利嘗怯我意欲徂我非其
情也

已未築大同宣府內外邊總督翁萬達請築內塞略曰 宣

府垣役始西中路者先所急也北東二路限于財力又朵顏
支部巢處其外尚能為我藩籬故遲而未舉今西中路塞垣
難犯而朵顏支部為虜偏徙則二路之急前數倍也夫二
路邊七百餘里馬步卒不三萬即皆為垣乘守莫及兵分于
地廣備疎于無援此臣之所懼也擬自新寧東路之新寧墩
而北歷鷓鴣長安嶺龍門衛至六臺子別為內垣百有六十
九里有奇塹如之敵臺三百有八舖舍如之暗門十九以重
衛京師控帶北路又東路鎮南墩與薊州火焰墩中空未塞
而鎮南而北而西永安新寧墩亦原未議塞垣俱宜補築成




全險也

又萬達請還乘塞兵略曰國家禦虜四時不徹備而獨曰防
秋者以秋高馬肥虜時深入特加嚴耳然往者罕調客兵且
不乘堅近因賊勢縱橫二議遂作勞費數倍已覺不堪又自
夏徂冬裘而不散是非用武之經可繼之道也夫客兵承調
去家一二千里主兵擺邊遠者亦不下三四百里朔風侵肌
饋餉不給鶉衣野處枵腹徒延設有脫中之詐何以應之夫
使不以其時散之不由其舊雖有不可測度之見威而竄者
逸者自一而十自十而百而千萬將不可禁也彼時盡置

之法則太平遂釋其辜則啟玩萬一不忍饑寒不俟命令哄
然解去所損豈其微哉故乘塞兵入冬不可不罷也然臣所
謂罷異鎮客兵及遠地主兵耳至于本路土兵則仍其舊邊
事有常有警不廢前歲一報掣兵諸防悉解事起倉卒束手
無措臣謂未可與今日同論也于是乘塞兵罷鎮

宣府志曰往年乘塞之令一時視為上策無敵轉議然其
間士卒之苦則翁公此疏盡矣庚戌歲後虜仍內犯不置
朝臣始知此令不足恃也因以漸罷其役云

戶畊曰猶記兒童時有事大同鎮城也抵北門不敢出閫



觀也其時北郊二十里許曰孤店虜日至巡撫史道視地
飯于北極神祠虜忽突至望麾蓋集矢如蝟諸軍力戰以
免故文錦之五堡識者恨其不完自總督毛伯溫之治弘
賜堡也鎮城以北商賈行矣周尚文城滅虜九堡以聯其
羽翼而復為拒牆五堡以厚屏其肩背則五堡不為極塞
而鎮城內矣然議者猶為拒牆五堡危之茲城其終條理
乎由是而推則宣府之興和不可理而復黑山之垣不可
引而直東勝堡豐榆之境不可漸而圖非天也
壬戌福建備倭都指揮俞大猷以習水改駐欽廉

方山王府奉國將軍知賤知燦殺其兄知煦賜死

丙寅方和王知煥薨

丁卯甘州副總兵吉象延綏副總兵陳鳳並署都督僉事總

兵官象鎮守寧夏鳳鎮守大同

五月癸酉朱承勛嗣武進伯 朱海之子

甲戌 上禱雨內壇至是始澍

宣大總督兵部尚書翁萬達還部


乙亥太保左都督大同總兵官周尚文卒尚文世西安後衛

指揮同知驍果多課弘正間數逐虜有功進指揮使歷涼州

國權

嘉靖二十八年

十



副總兵以套虜善渡河築凍墻百里募力士伏渡口鈇鉤
之尋鎮寧夏山西延綏俱有戰功沙城之捷尤偉歷宣大且
老耐被甲臨陣與士均苦樂爭願為死壬寅來虜日整晉亡
失無算惟尚文確鬪不敗然性伉始短長人幕府多不堪沒
久之贈太傅謚武襄

戊寅巡撫宣府郭宗皋為兵部右侍郎兼右僉都御史總督
宣大

己卯禮科給事中沈束請周尚文卹典贈爵 上以尚文矜
肆恣望束不即繩而私之下鎮撫司廷杖錮于獄尚文嘗任

右軍都督府嚴世蕃時經歷常呵之積憾尚文也

癸未刑部右侍郎傅炯為左侍郎巡撫山西蘇祐為刑部右
侍郎河南按察使李良為右副都御史巡撫宣府


丙戌鳳陽淮安地震


甲午四川左布政使石遷高為右副都御史巡撫山西

丁酉錦衣衛右都督陳寅卒贈太子太保寅給事 興卹既

扈蹕凡舊人皆世指揮僉事

六月己亥朔兵部右侍郎詹榮為左侍郎南京大理寺卿王邦
瑞為兵部右侍郎





庚子前太子太保兵部尚書趙廷瑞卒直隸開州人正德辛

巳進士授戶科給事中歷撫山東督宣大累進本兵

申辰下世襲五經博士曾質粹于江西巡按御史質粹以吉

安與嘉祥曾守仁同譜先餉祠田守仁巳而背之遂互訐御

史劉瑤謂誣在質祥并得其狡獪狀

丁未陝西左布政使王昂遲悞織幣降浙江布政司左叅政

裁團營官三十六人

庚戌郭應乾嗣成安伯郭瓚子

廣西桂林道副使兼撫夷舊另設撫夷副使

辛亥太傅駙馬都尉京山侯崔元卒元尚永康大長公主以

迎鑾封恩寵莫得比贈左柱國謚榮恭

已未免鳳陽水災田租

庚申 莊敬皇太子葬金山

壬戌德清大長公主薨

大學士張治學士李本禮部尚書徐階直無逸殿

丙寅兵部尚書翁萬達提督團營

丁卯延川縣雨雹如斗

七月壬申淮安地震

國權

嘉靖二十八年

十三

緝捕閩浙通倭豪猾

徐日久曰海上之事初起內地奸商王直徐海等常閩中
國財物與番客市易皆主餘姚謝氏久留之謝氏頗抑勒
其直諸奸索之急謝氏度負多不能償則以言恐之曰吾
將首汝于官既恨且懼乃糾合徒黨夜劫謝氏火其宅殺
男女數人大掠而去縣官倉皇申報云倭賊入寇巡撫執
下令捕賊甚急又令沿海居民有素與番人通者皆得自
首及相告言于是人洶々轉相告引或誣良善而諸奸畏
官搜捕亦遂勾引島夷及海中諸盜所在劫掠乘汎登岸
動以倭寇為名其寔真倭無几承平日久人不知兵賊至
即鳥獸奔散室廬為空官兵禦之望風奔潰蔓延及閩海
浙直之間調兵增餉海內騷動朝廷為盱食者六七年至
竭東南之力僅得勝之蓋患之從起者微矣


癸酉侍讀教銑脩撰黃廷用立試應天

辛巳山西平虜衛地震

武安侯鄭綱卒

丁亥禮部尚書徐階汰太醫院醫士

勒撫賞三衛貢夷之額



戊子 皇長女薨追封常安公主

庚寅旱災免河南西安夏稅

癸巳巡撫雲南顧應祥為兵部右侍郎巡撫山東駱駝為大理寺卿


八月戊戌山東廣東左布政使應檀韓楷為右副都御史檟巡撫山東楷巡撫雲南

己亥戶科歲終會計出納分四則歲徵歲收歲支歲儲呈覽
壬寅出西苑瑞穀百有六本示輔臣稱賀不許

甲辰侍讀康太和右春坊右贊善兼檢討閔朴主試順天

己酉前南京兵部兵左侍郎潘丑平安徽婺源人弘治乙丑
進士授戶部主事行誼修潔嘗守漳州邵武有惠民祠之
贈工部尚書

辛亥禮部尚書徐階子璠倩人入棘鄉試事泄被縛而逸監
試御史楊順張鑑以聞南京吏部主事楊豫孫急足報階
先密疏辭廕 陛下以臣犬馬之勞澤及其胤令子璠備數
南雍令南中人來臣私詢訪知其意氣不倫交游非類臣日
夜愧懼不能教子以負上恩為此披陳請草璠廕使臣不以
不肖子冒恩澤亦使臣子知 聖主督過能自遷悔是所以



造就微臣不獨名位寵榮也疏入上大悅旬日御史疏至上不問已南京給事中萬文宗將論階有愛吏泄于豫孫以兵部主事茅坤善文案探得之階先為備仍不問文案奪官謫豫孫改北禮部主事坤降廣平通判


乙卯平涼崇信縣天鼓鳴

己未錄甘肅禦套虜功進總兵官王繼祖都督同知巡撫楊博右副都御史

西夷搃牙日羔刺等以迫土魯番入肅州雜居監生李時暘奏恐貽患內地巡撫楊博檄副使王儀叅將劉勳脩威虜并

金塔寺古城徙七百餘帳男婦三千四百餘人給耕炊朔望互市諸番頽首受約

廣東瓊州黎作亂給事中鄭廷鵠言諸黎盤踞山岡而州縣外環之地彼高而我下產彼腴而我鹵勢彼聚而我散故無歲不害臣生其方度非九千兵可辦若徵狼土官兵兼募擄徒共集數萬環攻可克元至元辛卯蕩其穴勒石五指山雖立定安會同二縣經略未盡故旋失之嘉靖庚子大征時賊巢德霞地衍平行擬立城邑招新民耕守中道而廢致有今日今所當經略者惟東南瑯嶼嶺脚二峒當萬州陵水之衝



崖賊被攻必借二峒東江以分兵勢宜分奇兵先攻二峒大
兵搗崖賊可殲也隋唐郡縣輿圖可攷今多陷賊中事平
恢復以德霞等腴地立州屯田由羅活開路以達安定由德
霞沿溪以達昌化道路四通留叅將屯德霞安輯黎人萬世
利也報可

四川叙州戎瑛等蠻平

虜入大同左衛及威遠平虜毀墻入至寧武殺掠久之遁
甲子兩浙鹽運副使郭希顏復上廟議及周禮廟祧一篇前
長沙知府李本禮部郎中王畿廟制考議併進覽曰初臣上

議見大學士嚴嵩問何以必欲廟答曰天地分有宗廟又可
合乎嵩曰如此須起夏言尋言果起嵩事之甚謹終無一語
救正坐待其斃始失之未及考古繼恐改已之禮而夕失權
也秋享凡幾嵩文學大臣豈不聞父昭子穆古今通禮今九
室皆已有主五世又不忍祧將來孝烈又不識何所祔此
非聖慮之未及而誰為畫此者失策也 上不問


九月丁卯朔獻瑞穀于玄極寶殿及太廟齋期朝天宮三日
虜三千餘騎寇榆林叅將劉繼先等戰卻之

乙亥禮部尚書顧可學乞假遷葬

國權

嘉靖二十八年

十六



丙子諭開各邊蓋引

戊寅吏部尚書聞淵致仕

虜三萬騎掠萬全左衛總督郭宗臯兵禦之遂遁駐沙嶺堡

十月庚子天壽山守備太監劉遠請符幟如鞏華城副總兵胡

潭例不許

辛丑免順天河間保定真定大名災租

癸卯桐鄉王壽枋改封慶世子署府事

慶王台滋之次子

總督湖廣川貴右副都御史張岳言貴州銅仁叛苗往日布

政使石簡嘗撫之賜魚蓋牛酒花幣給口糧冠帶其首首於

弁其子弟不旋踵而叛此撫為亡益徒養寇之明驗也必大

兵創之後撫可定守可固從之

甲辰故周府鎮國將軍勤煜追封益陽王

朝墀之父

乙巳召南京刑部尚書劉訥于刑部

前河南道御史楊爵卒字伯脩富平人嘉靖己丑進士授行

人屢使藩國辭其餽拜御史喪母廬墓三年有久笋馴兔之

異庚子入臺言事忤旨下詔獄七年旋釋又逮獄三年讀書


無幾微怨色放歸乃教授里中疾革援筆自誌年五十七隆

慶初贈光祿少卿萬歷中追謚忠介

國權

嘉靖二十八年

十七



馮時可曰世廟時言事者接踵大都有畏禍心者則其氣
縮有急名心者則其言訐公謹而不縮直而不訐惟憂惟
愛甘心釜鑊故上亦諒其忠鯁雖久繫而終不誅竄之也
乃其自持介潔身如完璧即隨夷何以過予嘗謂此心可
以對天享帝然後可以批鱗犯顏公庶几哉

丙午常文濟嗣懷遠侯

之振子

諭苑田瑞穀停刑

戊申禮工部侍郎王崇慶楊行中擇金山塋思柔公主

庶吉士亢思謙胡杰汪鏜張居正為編修孫世芳朱大韶林

嫌殷士儋毛起為檢討張勉學謝登之張思靖蓋璧黎澄李

遇元任有齡李敏為給事中趙鏜馬三才劉錫孫哀胡曉莫

如士劉涇為御史

辛亥提督陝西尚書王以旂滿六年考進太子少保

吏部左侍郎潘瓊為戶部尚書巡撫順天右僉都御史孫應

奎為左副都御史佐院總理河道右僉都御史方鉞為南京

大理寺卿


乙卯檢討張思為山西按察副使思給事中以避兄忠改館

巡撫雲南韓楷疾去

國權

嘉靖二十八年

大



編脩袁煒為侍讀檢討王繼楨為脩撰

吏部左侍郎丁汝夔為左侍郎兵部右侍郎王邦瑞改吏部
右侍郎河南左布政使王汝孝應天府丞何鰲為右副都御
史汝孝巡撫順天鰲總理河道

庚申沐鞏嗣黔國公年三歲優給半祿沐融母弟融殤朝弼
仍代鎮

工科給事中趙軌御史申仲劾盛甲廠太監呂洪盜銅鑄私
私器下洪詔獄軌仲亦捕繫削籍
辛酉兵部尚書翁萬達憂去左侍郎詹榮當署事引疾乞假

忤旨罷

癸亥吏部左侍郎丁汝夔為兵部尚書提督團營

免山東貴州遼東旱蝗秋稅

十一月戊辰議孝烈皇后祔廟初禮部議奉先殿東室上


非之于是嚴嵩議太廟睿皇后後寢安主從祔姑之義

上不可諭遵祖制祧仁宗

壬申免大同糧芻先是隕霜殺苗也

甲戌王用賓起少詹事

乙亥太常寺卿李默為禮部右侍郎刑部右侍郎蘇祐改兵



兵部右侍郎順天府尹胡奎為右副都御史巡撫雲南

貴州巡撫李義壯免提督張岳劾其阻兵之軍興

庚辰湖廣左布政使任轍為右副都御史巡撫貴州

辛巳巡撫河南彭黯為刑部右侍郎

治宣大夫事罪大同巡撫李仁降神木縣典史叅將麻龍等

逮下法司宣府巡撫李良督提郭宗臯停俸提兵趙鳳落職

賞力戰者

甲申孝烈皇后祔太廟

王世懋曰世廟未崩孝烈皇后先入廟遂祧仁宗

亦是古所無事當時聖意或有在焉逮穆宗登遐入廟

祧宗之際此其機矣睿宗科臣陸樹德曾言之以曾孫

議祧皇祖遂不敢復行而竟祧于宣廟從茲莫復匡

救矣


乙酉金星晝見凡五日

丙戌起潘廷赦右副都御史巡撫河南河南按察使陳耀為

右僉都御史巡撫大同

丁亥戴才徐綱李用敬為給事中李逢時裴任濂蔡陽金城

子學李初元胡志夔邵稷高鏞吉澄趙臣陳大賓為試御史



臣大賓南京

下巡按直隸御史張登高於鎮撫司登高治涿州庫吏盜金
狀吏逃訴錦衣衛歸罪知州王得良捕治之登高恐奸吏劾
尤請下所司訊明 上以回護逮登高

庚寅工部尚書潘文明卒錦衣衛人正德辛丑進士

乙未鄭崑嗣武安侯 鄭綱之子

免沔陽荆門水災田租

延綏總兵官張達移大同

十二月丙申朔前大理寺卿李理卒珏人

戊戌寧夏左叅將吳昂為署都督僉事總兵官鎮守延綏

壬寅貴州左布政使部相以前郎中進俸後陞任四川布政
司左叅政兼支從四品俸被逮下巡撫訊之遂定內外官非
軍功遷後不許兼支著為令

甲辰周府崇善王朝墉薨

丁未提督倉場戶部左侍郎李士翱為工部尚書


庚戌南京兵部尚書韓邦奇致仕

壬子懷塔襲承壽王恭和王秉燿庶子長定郡王正妃沒不
得封繼妃著為令

國權

嘉靖二十八年

三



甲寅 上禱雪洪應壇

巡撫山東應檳改山西

已未賑淮安

辛酉封願坦魯王健柳新蔡王翊燭崇世子在煇周世子褒

燦安樂王載燦金華王縉煥延安王遷域和川王致楨光澤

王致棟松滋王宇漳衛輝王

琉球入貢

壬戌周府信陵王睦榘庶長子勤熈卒弟勤熹乞封禮部謂

宗支無承襲例不許

南京吏部尚書王學夔改南京兵部尚書起應大猷右副都

御史巡撫山東

湖廣麻陽縣賊破印江縣執知縣徐文伯

是年宗人府上玉牒親王至庶人見在萬有九千八百九十


三人其未開陽曲永和二府及南京齊庶人建庶人後不下


千人郡主縣主郡君鄉君等共九千七百八十二人

王世貞曰親王至米萬石軍校官僚府第婚喪之費又不

下數萬至于庶人各歲萬石居第二百金婚娶百金此不

可已也地力有限生育無窮將柰之何哉以有限之財填





無窮之浪非也以帝室之胄而錮之一城之內坐視其負

賤而不為亦非也然則將軍而上仍貫乎中尉可弗爵矣

量親疎給貨使徒著從事于四民拔其賢者能者而同升

諸官庶耳

南京吏部尚書王學夔南京兵部尚書王學夔南京工部尚書王學夔南京刑部尚書王學夔南京禮部尚書王學夔南京戶部尚書王學夔南京兵部尚書王學夔南京工部尚書王學夔南京刑部尚書王學夔南京禮部尚書王學夔南京戶部尚書王學夔

國權

嘉靖二十九年庚戌

正月丙寅朔上不朝

丁丑惠安伯張鏞卒

戊寅吏部大計降斥四千六百餘人有差亦佐典史厲汝進

削籍前戶科都給事中論嚴氏謫也

癸未遼東蓋州等衛地震如雷再日止

乙酉增陝西清水高家清平三堡守備

國權

嘉靖二十九年

丙戌荆府永定王載熾薨謚端穆

辛卯前南京戶部尚書徐問卒江南武進人弘治壬戌進士

授廣推官遷刑曹歷廣東左布政使治行第一撫貴州沉深

廉靜歷官有聲

癸巳保定河間定州官軍防守訖定賞格凡大征五千里外

踰歲人賞五金三千里外踰八月次之千里外踰六月又次

之五百里外踰三月又次之

甲午戶部上去年會計錄去歲共入銀三百九十五萬七千

一百十六金出乃四百十二萬二千七百二十七金請一切

節用報聞

乙未南京工部尚書屠楷改南京吏部尚書

編修邢一鳳為侍讀

二月丙申朔巡撫湖廣林雲同雲南道御史李廷春並免廷春


任石首知縣有黑聲雲同嘗答之至是恐報復劾其庄私互

許俱影响各閑住

己亥起陳經戶部尚書提督倉場督理西苑農事先卒經山

東益都人正德甲戌進士授給事中累至兵部尚書

壬寅文淵閣大學士張治署詹事府吏部左侍郎歐陽德主



試禮閣

甲辰報虜移帳威寧海子將寇朔州命發河間兵駐密雲保

定兵駐通州涿鹿興州等四衛兵戍隘口

乙巳福建左布政使屠大山為右副都御史巡撫湖廣

壬午刑部左侍郎傅炯為南京刑部尚書

戊申墾甘肅荒田

甲寅周府上洛王安讓薨謚榮定

南京兵部尚書王學夔致仕

乙卯陳文德補南京祭酒工部左侍郎楊行中改南京刑部

故安南都統使莫福海子宏漢求封侯後命

丁巳琉球遣陪臣子五人入太學

戊午增陝西平川堡守備

壬戌大風霾

甲子隆慶州張山營堡山鳴

三月乙丑朔久旱禮諭部禱雨

丙寅未封妃鮑氏薨追封宜妃


辛未巡撫南贛喻智應天府尹呂頤劾免

定京師逃戶助役銀初永樂間徙浙直富人三千戶直役宛

國權

嘉靖二十九年

三



平大興其後逃戶人徵二金助役至是止徵本戶毋他累
壬申寧夏地震

癸酉吏部右侍郎王邦瑞為左侍郎禮部右侍郎李默改吏
部右侍郎南京戶部尚書韓士英改南京兵部尚書左副都
御史孫應奎為戶部右侍郎提督倉場督理西苑農事

增廣東瓊州叅將命叙州守備署都指揮使俞大猷為右叅
將往守瓊崖

丙子京師宣府大風霾至晝晦夜分少止秋虜騎入犯九風
霾所及皆不免于兵

丁丑前戶部右侍郎及官卒

已卯策貢士夏器等三百二十人賜唐汝楫等進士及第傳
出身有差恩榮宴命內閣少詹事李本序坐二品末

已丙戌黃塵四塞日無光

已丑工部上四籍歲徵六十一萬一千餘金歲收八十五萬
三千餘金歲支九十一萬七千餘金歲儲百萬餘金


辛卯戶部右侍郎胡松為左侍郎大理寺卿駱顯為戶部右
侍郎詹事王用賓為禮部右侍郎

大風霾

國權

嘉靖二十九年


四



壬辰兵部右侍郎蘇祐為左侍郎工部右侍郎謝蘭改兵左
太僕寺卿盧勳為右僉都御史提督南贛汀漳軍務錦衣衛
親軍指揮使郭守乾故武定侯助長子求嗣爵以勳戚許之
癸巳通政使孫禴為工部左侍郎
乙未陞廣西左布政司鄭璋為應天府尹
四月戊戌禮部左侍郎王崇慶為南京戶部尚書提督兩廣右
副都御史歐陽必進為南京右都御史
巳亥 上憂旱遣官告郊廟社稷
編修趙貞吉為右春坊右中允署司業

癸卯巡撫保定右僉都御史回院左通政樊深為通政使右
通政陳時為左通政 丁未大風霾
提督漕運右副都御史龔輝巡按直隸御史戴德各言祖陵
泗州逼近淮河地勢窪下今黃河水衝入淮下流壅塞勢必
上溢恐為陵寢憂宜急開支河口以通下流又衝潰當防并
築陳庄劉家溝從之

巳酉龔輝為大理寺卿提督漕運周延為兵部右侍郎兼右
僉都御史提督兩廣軍務兼巡撫
辛亥前陽武知縣河間王聯居里淫暴至毆其父良訴于




御史閻鄰論死久之良告息嗣詞出獄又殺人仍論死百方
求脫不得以是憾先後御先胡植馮璋張洽等知 上喜告
許而令陽武時巡撫胡纘宗值 上幸楚供帳不備咎睽已
御史陶欽夔論其贓是至許奏纘宗迎駕詩穆王八駿空飛
電湘竹英皇淚不磨為咒詛并及都御史劉隅叅政朱鴻漸
御史陶夔欽胡植閻鄰馮璋張洽前知府項喬賈應春推官
蔣珊知縣郭咸休田甸高儒給事中鮑道明苑馬少卿袁淮
等意所忤輒構入之令子朝策冬至日入朝聲寃奏之 上
大怒分逮纘宗等下法司會訊刑部尚書劉訥以纘宗詩頌

德非謗也睽原坐殺人朝策詐朝臣重論獄上以訥市恩削
籍法司堂上官各奪祿六月司官下鎮撫司拷訊狀纘宗四
子削籍睽仍坐殺人罪子朝策如擬嚴嵩嘗申辨嘉之令兼
支大學士俸嵩辭免
癸丑大雨百官表賀

乙卯巡撫延綏楊守謙為右副都御史巡撫保定
周府汾西王睦榜薨謚端惠

戊午通政司左叅議趙文華為右通政

壬戌封掌道教事禮部尚書陶仲文封恭誠伯以禱雨平獄



也初京師雨土雨蠟屢風霾上頗疑畏問仲文云何仲文
知胡纘宗等亡辜曰獄疑有冤獄得解乃雨上故宥纘宗
等尋大雨上歸仲文功吏科都給事中張秉壺謂貪天功
為也巳力仲文辭免
浙江左布政使張烜為右副都御史提理糧儲兼巡撫應天
山西按察使張愚為右僉都御史巡撫延綏
五月乙丑宮人陳氏薨追封靜妃
廣西副總兵都督僉事沈希儀為總兵官鎮守貴州兼提督
平清等衛

癸巳鄭府盟津王祐樞知上薄鄭王厚烷誣其誹謗悖逆
等罪命駙馬都尉謝詔等按之
朶顏猛可等犯馬蘭谷


六月甲午朔大理寺卿龔輝為工部右侍郎


戊戌申宗室越閤入奏之禁

己亥右春坊右贊善兼檢封闈朴為南祭酒

辛丑編修閔煦為山西按察副使

壬寅察處陝西苑馬寺少卿李紳訐兵部右侍郎謝蘭前撫
陝西疑陷之也吏部覆紳挾私謫成





癸卯南京大理寺卿方純為南京戶部右侍郎巡撫四川右副都御史李春為大理寺卿總理河道右副都御史何鰲改

提督漕運兼巡撫鳳陽

戊申金星晝見

甲寅巡撫江西兵部右侍郎張時徹為南京刑部右侍郎南京太常寺卿汪宗元為右副都御史總理河道

金星晝復見

乙卯四川左布政使張素為右副都御史巡撫四川

丙辰停江淮捕盜總兵巡按御史趙錦言其無益

丁巳故黔國公沐朝輔母李氏訐次子朝弼忘姪羣孤弱乞護羣至京候長還鎮許之羣尋殤朝弼奏留母侍養亦許之免山東濟南兗登青廣平真定河間旱災夏稅屯糧戊午俺荅以數萬騎寇大同伏銳谿谷中以羸騎百餘餌我提兵涼州張達素果敢徵兵未集率輕騎赴之或原戒其輕進達曰乘此不遂待深入即得捷蹂躪多矣遂直前中伏圍數重達四擊馬蹶被殺時副總兵林椿分擊零騎于彌陀山聞達被圍不介馬而馳援達不克中矢死事聞贈達左都督謚忠剛椿都督同知謚忠勇予祭塋立祠世本衛指揮僉事

國權

嘉靖二十九年

八

達陝西人目不知書然慷慨有奇節膂力絕世好先登陷堅所向有功卒以此敗達椿俱敵戰功雖不終邊人甚稱之先是虜中數騎潛入盜邊尉報狀巡按御史胡宗憲喜事會夜醉屬達曰將軍可趣戰達謂夜中伏不利請待旦乃發宗憲曰若欲墨吾白簡耶達勉以二百騎夜出至紅寺堡虜大至圍之數重副總兵林椿援之亦敗所去制府二百里總督郭宗臯聞急往救無及宗憲但請卹達椿而匿其發蹤狀兵科給事中唐禹不知也劾宗臯及巡撫陳耀等失援

閏六月甲子南京右春坊中右允呂懷為南京通政使右叅議

乙丑陞江西左布政使吳鵬為右副都御史巡撫江西

免山西夏稅

咸寧侯仇鸞家居久兵部薦之詔復太子太保總兵鎮大同改勇敢營都指揮僉事徐珪為著都督僉事左副總兵協守

丙寅免隆慶州永寧縣去年田租之半以被虜故

戊辰脩撰茅瓚為左春坊左諭德


免開封歸德衛輝懷慶旱災夏稅

癸酉逮總督宣大侍郎郭宗臯巡撫大同陳耀各廷杖百耀死宗臯謫成陝西初宗臯耀奪俸給事中唐禹追論之

國權

嘉靖二十九年

九



丙子左春坊左贊善吳山為南京左庶子兼侍講署院
大同缺督撫命兵部左侍郎蘇祐攝提督兼右僉都御史巡
撫起守制兵部尚書翁萬達提督宣大前右僉都御史趙錦
巡撫大同以萬達家廣東未即至先遣祐
兵科給事中任有齡言大臣卹典費不貲近年乞請太煩不
無濫予禮部徐階覆曰文武官陳乞祭葬除違例不行外其
或應例而行業亡稱勳勞未著則全給者半之半給則僅予
祭或公論共著則不問例徑與立業其各府衛帶俸都督指
揮千百戶係戚屬應請裁但外戚為妃之父母祭葬喪費宜

全給其兄弟止祭一壇喪葬俱半給嬪之父母宜視妃之兄
弟其兄弟止一祭給喪費三之一有旨文武官如議戚屬宜
從厚不許請文武大臣卹典雖成例應得德業未著以次遞
降如謹甚不復給 上從之惟外戚如故


丁丑從禮科給事中楊允繩之言慎選督學官

戊子裁太常寺樂舞生庖人濫額

魯府慶元王載焮薨謚莊懿

免淮安鳳陽揚徐等早災稅

己丑免順天河間真定保定山西等早稅



屬夷復犯何坊口初順天巡撫王汝孝忿三衛脅賞因襲殺
之致屢盜邊至八月勾虜大入

七月甲午起孫承恩仍禮部尚書

庚子大同提兵仇鸞以守備單弱凡小堡歸併大堡隨營截
殺部覆從之

許湖廣土官如兩廣例立功襲職加散官從提督張岳之請
已未虜屯古城川去塞二十里命西官廳叅將詹祥等兵三
部往

免陝西旱災夏稅

庚申夜火星犯木星守井宿

八月壬戌朔復虞守愚大理寺卿初失職被劾

虜俺荅糾套虜大舉趨獨石屯金字河

癸亥南京前府靈璧侯湯祐賢卒


甲子虜犯宣府兩河口官軍拒之不克入

都督僉事郭琮提督漕運鎮守淮安

乙丑東西官廳叅將吳尚賢梁臣分兵駐密雲懷來援宣薊

丙寅聖誕恩進成國公朱希忠特進光祿大夫柱國閣臣嚴


嵩上柱國尚書張治徐階顧可學並太子太保少詹事李本



吏部右侍郎兼東閣大學士高辭有口傳云尊無二上上非
人臣所宜居累朝曠而不授唐太宗嘗為尚書令唐臣無敢
為尚書令郭子儀大功特授不拜臣識昧古今頗知敬畏乞
特免此官仍著為國典以昭臣節允之進子世蕃太常寺卿
徐學謨曰 上寵輔張孚信夏言最所敬信然嘗微有牴
牾惟嵩終無間如辭上柱國疏委婉謙讓若有道者之言
維繫上心誰能阻之故特眷二十年而天始敗之也
命仇鸞兼將各路客兵宣府提兵趙國忠助之時鸞趨懷來
國忠趨龍門赤城

癸酉仇鸞略虜舍大同而東大興州去古北口百七十里仇
鸞率所部至居庸關佯奏虜或侵薊請身壁居庸或隨賊轉
戰或徑趨通州防守京師惟 上所命順天巡撫王汝孝駐
薊州謀報虜趨西北宜止鸞兵還備大同 上命鸞駐居庸
俟援汝孝嚴守薊鎮鞏華城副提兵劉通赴天壽山
乙亥虜潮循河川南下至古北口薄關城提兵羅希韓等禦
之不能卻

丁丑攻古北口我兵矢石卻之虜悉眾綴我師間道從黃榆
溝等潰墻入乘我後王汝孝等兵大潰虜遂自石匣營至密



雲轉掠懷柔順義園之聞保定兵在馬乃解而南
仇鸞請通虜貢市馬謂邊臣違禁私交利歸于下孰若大開
賞格思出于上功相萬也章下兵部
京師戒嚴時聞奸人潛欲焚各場積芻兵科給事中王德請
積芻半給騎卒半運入城發御馬監分牧近縣悉收太僕寺
馬入城

已巳虜出塞疲不能軍仇鸞等前敗盡見之石匣營及張家
古北等口斬十七級俘四人鸞報八十餘級皆割死虜及難
民也是日勞鸞及趙國忠徐珏張騰王臣王倫趙臣孫時謙

袁正姚冕羅恭金幣有差

庚寅禮部尚書徐階前都御史何棟副使聶豹納之
遼東左叅將楊應奇山東都指揮蕭國勛等各入援命從大
將軍

停九月武舉


九月辛卯朔陝西布政司右叅政王誥為右僉都御史巡撫甘
肅發金粟遣戶部右侍郎駱駟督周官九人賑難民先蠲免
後核給

議處團營罷成國公朱希忠遂安伯陳鏊提督委科道巡視

國權

嘉靖二十九年

十三



歲易

遼東山口叅將陳燦論死坐虜入不能禦

發大通橋積粟二十三萬五千餘石餉官軍

癸巳暫免陵祭

王汝孝羅希韓盧越各逮至減死戍邊汝孝以首功自解俱

賄嚴嵩以免

貴州進兵勦銅仁叛苗屯河界水西安萬銓兵三萬五千人

都勻土兵七千人衛司漢兵六千共五萬大敗之尋撫其餘

甲午命巡按御史邢尚簡閱陵脩理器物

乙未工部右侍郎孫檉改兵部左侍郎兼右僉都御史兼薊

州軍務節制河間真定保定遼東兵山東按察使劉壘前陝

西按察副使聶豹並右僉都御史壘巡撫宣府豹巡撫順天

李良吳嘉會皆罷

陝西按察副使王輪調密雲湖廣按察副使劉廷臣調天津

河南按察副使殷學調潼關山西布政使右叅議尹輪進副

使駐井陘陘各整飭兵備


李維楨曰高皇帝監前

更營制咸寧侯仇鸞提兵總督三營裁十二營兩官廳名

國權

嘉靖二十九年

十四



李維楨曰 高皇帝監前代強臣握兵之害以內外兵分
隸五府各有正有佐三人 文皇北伐旋師結營開操以
三千神機二營附之號三大營定皆五府兵耳故有五軍
營之名正統變為十營弘治加十二又增東西官廳然舊
營中尚有老家軍之籍五營名自在五官意猶存也府各
設將事權一偏營各統兵分数易明將將兵計其善于
此自仇鸞貴幸分宜阿邑請特設戎政廳內外兵悉授于
鸞而二祖分營分府之制盡矣賴天幸鸞早死否則國
家之禍寧在虜哉

丙申從仇鸞回京副總兵徐珏總兵鎮守大同

丁丑裁團營太監高忠徵河南山東太寧中都等班軍十六
萬餘各五月赴京操練

營軍務
吏部左侍郎王邦瑞改兵部左侍郎兼右僉都御史贊理京


陝西總兵官成勳宣府副總兵孫勇西官廳總兵官高秉元
神机營右哨營官仲繼俱協同提督勳勇五軍營秉元三千
營繼神机營

悉召前總兵官周徹雲冒黃振李俊泰將劉還趙卿張堅王

國權

嘉靖二十九年

十五



王游擊趙應王勛魏明蕭鎮守備黃恩

戊戌諭徐階昨會諫疏欲遣間探賊乎階答彼書漢字恐出
叛卒今戰守未脩故欲遣間一探之一款之非敢謂可許也
各處募兵專委之書生未必堪用不如推重將官同往聽選
訖就令統理庶得寔用

癸卯起潘潢南京工部尚書

代府進賢王俊熿薨謚莊惠

丙辰吏部右侍郎李默為左侍郎巡撫山東應大猷為吏部
右侍郎

丁巳罷戶部李士翱降兵部右侍郎謝蘭一秩調南京尚書

兵部右侍郎蘇祐提督宣大起翁萬達兵部尚書

戊午定五府軍前衛錦衣衛堂上官值考選歲各自陳仍府

科道拾遺

提督張岳討銅仁苗薛一龍許保十二月報捷斬獲二千餘
人獲龍許任家屬班師

十月辛酉朔改京營提督曰提督京營戎政鑄戎政之印給仇


鸞

癸亥右部右侍郎孫應奎為戶部尚書順天巡撫聶豹為兵

國權

嘉靖二十九年

共



部右侍郎

秉一真人陶仲文積俸賜萬金繒二百進上濟餉

甲子湖廣左布政使孫世祐為右副都御史巡撫山東

仇鸞請御史四人徵各邊兵赴京防秋擬搃兵王黼副搃兵
時陳叅將崔麒羅賢張堅徐洪載綸鄭紀等領之兵部執奏
量調選用鸞固請從之


乙丑脩通州新城

丙寅吳嘉會復整飭薊州邊備巡撫順天

肅州衛地震

庚辰署禮部郎中薛應旂為浙江提學副使


辛巳刑部郎中徐學詩言比者逆胡入犯詔群臣盡言而大
學士嚴嵩奸貪異常撫鎮爭致金是釀成虜患幸上不誅
而復謬引住兵不祥之說以誑清問縱子世蕃受失事李鳳
鳴二千金受老廢搃兵郭瑤三千金補官其權威足以假手
下石机械足以先發制人財勢足以廣交自固乘機構隙足
以示威劫衆文詞辨給足以飾非強辨精神警敏揣摩精巧
足以趨避利害而彌縫闕失私交密惠冷色脂言足以結納
權路而緘度人口故凡論嵩者即不能顯禍于正言直指之



頃亦必託事假人陰中之于遷除考察之際臣不能悉記即如先給事中王燁陳垣御史謝瑜董瑛臣等于時亦蒙寬宥而今安在哉天下之人視嵩如鬼如蜮不可測識寧足悔心疾首敢怒而不敢言何者誠畏其陰中之也 上以乘間報復下學詩鎮撫獄削籍嵩乞休不允請遣世蕃歸田不允令給假隨任侍嵩學詩雖不見用天下誦之 嵩嘗言夫事李鳳仇鸞請來歲三月大舉征虜乞假臣經略節制遼薊宣大偏頭關之兵臣十二月赴宣大伺虜進止不必貽憂 皇上下兵部議兵食

甲申巡視京營兵部主事申樞持正不為仇鸞誣言京營更張之始臣叨耳目之司願加詳慎不當決計一人責効旦夕鸞奏樞侵官攬權臣脇息懼罪不暇何暇謀虜遂下樞鎮撫獄罷巡視京營

丙戌定祧 仁宗昭皇帝陞祔 孝烈方皇后初孝烈繼悼靈自九嬪冊立禮部議祔奉先殿慈孝獻皇后之側一日諭祧 仁宗禮部尚書徐階心難悼靈而悼上威嚴不敢與爭禮科都給事中楊思忠言此他日聖子神孫事而 皇上身自議之臣心未安 上未許已遇孝烈忌辰禮部請祀 上



日方氏配一繼統君忘辰可勿祀且置主別廟將來由臣下
議令忘辰奠一卮不至傷情卿等其更言之階倉皇不敢覆
即上祧廟儀注群臣懼不敢復言

徐學謨曰時 孝潔皇后為 上元配尚未有所在祔故
上意疑禮臣之不肯祔 孝烈者以此禮臣乃卒迫于從
令之恭遂舉以 宣廟之恭讓 憲廟之吳后為言而不
知其事體有大徑庭者嗚呼君臣之際將順易而匡救難
誠然哉

戊子右通政張濂大僕少卿劉大直並為右僉都御史督理

山西宣大屯牧

故兵科給事中陸粲卒字子餘江南長洲人嘉靖丙戌進士
授工科給事中數言事皆見用論乘馬監策諸大政并最
後摘張孚敬桂萼為罷相已詹事霍韜代辨留字敬謫察都
鎮駙丞初草奏鬼夜泣不顧也稍遷永新令有異政以母老
棄官累薦不起

劉鳳曰子餘學術至深其所解義儒者多不逮不獨一經
能究明旨向皆為疏前之滯疑釋之授受遂有緒于文詞
尤恢肆勁嚴極其力要之不詭于正而屢抗疏公車則尤

